



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011
Fax; 981 776 529

web: www.betanzos.net
sede electrónica: <https://sede.betanzos.gal>
e-mail: correo@betanzos.net

ASUNTO: ORZAMENTOS PARTICIPATIVOS NO CONCELLO DE BETANZOS
EXPEDIENTE: 2021/X999/001341

PROTOCOLO REGULADOR DOS ORZAMENTOS PARTICIPATIVOS NO CONCELLO DE BETANZOS

Preámbulo

Este é un documento elaborado polo Concello de Betanzos para regular o proceso de participación da cidadanía na xestión do municipio, a través da realización de propostas para decidir o destino de parte dos recursos municipais.

Os orzamentos participativos son unha ferramenta de democracia participativa, directa e deliberativa, a través da cal a cidadanía exerce o seu dereito a participar na política municipal.

O obxectivo principal dos orzamentos participativos é a participación directa da cidadanía no proceso de elaboración dos Orzamentos Municipais anuais, co fin de priorizar as principais demandas e preocupacións dos veciños e veciñas en materia de investimentos públicos, incluílos no orzamento anual da cidade e facer un seguimento dos compromisos alcanzados.

Mediante os orzamentos participativos establécese unha priorización das demandas e necesidades dos veciños e veciñas nos investimentos públicos do Concello, favorecendo o debate, a reflexión e a solidariedade.

Este proxecto de regulamento regulador permite a implementación dos Orzamentos Participativos do Concello de Betanzos en base a tres alicerces:

Democracia
Transparencia
Participación

Trátase dun protocolo autorregulable na súa elaboración e aplicación, vinculante e revisable anualmente.

1.- Obxecto e ámbito de aplicación.

O obxecto deste protocolo é regular o proceso de realización dos orzamentos participativos no municipio de Betanzos.

2.- Contía

A contía destinada ao proceso de Orzamentos Participativos será a que anualmente se contemple nos orzamentos municipais.

Para o ano 2022, a contía consignada e supeditada á aprobación definitiva dos orzamentos municipais é de 100.000 euros. Esta cantidade destinarase a investimentos en obras ou adquisición de equipamentos que se decidirán en base á viabilidade técnica das propostas presentadas e aos apoios recibidos da cidadanía.

Documento asinado electrónicamente, pódese validar a sinatura co código indicado na marxe na <https://sede.betanzos.gal> (O Código de Verificación garante, mediante o cotexo na sede electrónica municipal, a integridade do documento (Artigo 42 b da Lei 40/2015, de 1 de outubro, de Réxime Xurídico do Sector Público).





Concello de Betanzos

Praza de Galicia, nº 1, 15300 Betanzos, A Coruña

Teléfono: 981 770 011

Fax: 981 776 529

web: www.betanzos.net

sede electrónica: <https://sede.betanzos.gal>

e-mail: correo@betanzos.net

3.- Participación.

Poderán presentar propostas as persoas maiores de 16 anos empadroadas en Betanzos.

A presentación de propostas poderá facerse a título individual ou en representación dunha entidade, nese caso será responsabilidade do proponente acreditar a representatividade que ostente.

Cada persoa ou entidade poderá presentar unha proposta.

4.- As propostas

As propostas formuladas deben cumprir os seguintes requisitos:

Ser legal: Debe constituír un feito legal e ser competencia do Concello de Betanzos.

Ser un investimento: Os orzamentos participativos limítanse a un dos capítulos do orzamento municipal, ou dos investimentos. Este Capítulo VI comprende basicamente gastos destinados á creación de infraestruturas ou adquisición de equipamentos.

Ser concreta: As propostas deben ser concretas, deixando claro o obxecto da mesma, lugar, finalidade da mesma, etc.

Adaptarse ao orzamento: É necesario que o custo estimado da proposta non sobrepase o orzamento dispoñible.

O custo das propostas presentadas deberá situarse nun gasto inferior á cantidade que figure para ese fin nos orzamentos municipais, non sendo necesario facer propostas polo importe íntegro destinado aos orzamentos participativos, senón que é aconsellable presentar proxectos de gasto máis reducidos.

En todo caso, se a proposta seleccionada non cubre a totalidade da partida orzamentaria, o sobranse destinarase ás seguintes propostas elixidas, sempre e cando sexa viable a súa execución, ata esgotar o orzamento de 100.000 euros.

Todas as propostas que sexan viables, independentemente do seu orzamento, serán sometidas en condicións de igualdade á elección dos cidadáns mediante o proceso de votación establecido.

5.- Metodoloxía de traballo

O Concello abrirá un período para a recollida de propostas cidadás, tanto de forma telemática a través da web municipal www.betanzos.gal como presencial no Rexistro Xeral do Concello e na sede electrónica municipal. [Sede.betanzos.gal](https://sede.betanzos.gal). Tamén poderán presentarse solicitudes a través de calquera outro medio dos previstos no artigo 16 da Lei 39/2015, do 1 de outubro, do procedemento administrativo das Administracións Públicas.

Finalizado o prazo de recepción de propostas, os técnicos municipais farán unha valoración, clasificación e selección das propostas recibidas, en base ao estudo da súa viabilidade económica e técnica. Esta acta publicarase na web municipal e no taboleiro de anuncios da sede electrónica informando da aceptación ou rexeite de cada proposta indicando o motivo.

Documento asinado electrónicamente, pódese validar a sinatura co código indicado na marxe na <https://sede.betanzos.gal> (O Código de Verificación garante, mediante o cotexo na sede electrónica municipal, a integridade do documento (Artigo 42 b da Lei 40/2015, de 1 de outubro, de Réxime Xurídico do Sector Público).





Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011
Fax; 981 776 529

web: www.betanzos.net
sede electrónica: <https://sede.betanzos.gal>
e-mail: correo@betanzos.net

Abrirase nese momento o prazo de votación a través dos mesmos medios que os utilizados na recollida de propostas, é dicir, por medios telemáticos e nunha urna situada no Rexistro Xeral. Para facer efectivo o voto, a veciñanza deberá cubrir un documento onde figurarán os seus datos persoais e unha relación de propostas que concorren aos orzamentos participativos. O Concello comprobará que a persoa que participe na votación está empadroadada no término municipal.

PROPOSTA DE CALENDARIO 2022

O calendario previsto para a Campaña de Orzamentos Participativos 2022 é o seguinte:

Do 25 de outubro ao 3 de novembro: Período recollida de propostas.

Do 4 ao 12 de novembro: Estudo de viabilidade das propostas recibidas. Validación das propostas seleccionadas.

12 de novembro: Publicación das propostas seleccionadas

Do 15 ao 25 de novembro: Período de votación das propostas pola cidadanía a través da web municipal e de forma presencial.

29 de novembro: Publicación da proposta ou propostas seleccionadas.

6.- Difusión

Para un correcto desenvolvemento dos orzamentos participativos, o proxecto debe difundirse adecuadamente. O Concello realizará unha campaña informativa entre a cidadanía, convidando á cidadanía a participar neste proceso. Para iso empregará todos os medios ao seu alcance: Páxina web municipal, redes sociais, medios de comunicación, etc.

Betanzos 22.10.2021
A alcaldesa

María Barral Varela

DOCUMENTO ASINADO DIXITALMENTE



Documento asinado electrónicamente, pódese validar a sinatura co código indicado na marxe na <https://sede.betanzos.gal> (O Código de Verificación garante, mediante o cotexo na sede electrónica municipal, a integridade do documento (Artigo 42 b da Lei 40/2015, de 1 de outubro, de Réxime Xurídico do Sector Público).